

四庫全書

史部

欽定四庫全書

水經注集釋訂訛卷三十四

歸安沈炳巽撰

江水二

江水又東逕巫縣故城南

縣故楚之巫郡也秦省郡立縣以隸南郡吳孫休分
為建平郡治巫城城緣山為墉周十二里一百一十
步東西北三面皆帶傍深谷南臨大江故謂之夔國

也

江水又東巫溪水注之

溪水道源梁州晉興郡之宣漢縣東

宣漢縣今為夔州府達縣又

南逕建平郡泰昌縣南

今為夔州府大昌縣

又逕北井縣西

北井

廢縣在大寧縣境晉置屬建平郡後周省入大昌

東轉歷其縣北井南有鹽

井井在縣北故縣名北井建平一郡之所資也鹽水

下通巫溪溪水是兼鹽水之稱矣溪水又南屈逕巫

縣東縣之東北三百步有聖泉謂之孔子泉

明一統志聖泉

在巫山縣治東宋王十朋集縣有
孔子泉泉之傍雖童子皆能書
其水飛清潔飛上疑

有脫石穴並高泉下注溪水溪水又南入于大江

江水又東逕巫峽

在今巫山縣東三十里三峽之一即
巫也連山七百里畧無斷處圖經云

此山當抗峯岷峨偕嶺衡
歎疑結翼附並出青雲

杜宇所鑿以通江水也郭仲產云按地理志巫山在
縣西南而今縣東有巫山將郡縣居治無恒故也

江水歷峽東逕新崩灘

此山漢和帝永元十三年崩

按後漢書五行志和帝
永元十二年閏四月南

郡神歸山高四百大崩填溪
即此山也今云十三年誤

晉太元二年又崩當崩

之日水逆流百餘里湧起數十丈今灘上有石或圓
如草或方如屋若此者甚衆皆崩崖所隕致怒湍流
故謂之新崩灘其頽巖所餘比之諸嶺尚為竦桀其
下十餘里有大巫山非惟三峽所無乃當抗峯岷峩
偕嶺衡疑其翼附羣山並檠青雲更就霄漢辯其優
劣耳神血涂山海經作孟涂下同所處山海經曰夏后啓之臣
曰血涂是司神于巴巴人訟于血涂之所其衣有血

者執之是謂

山海經作請

生居山上郭景純

疑漏曰字

在丹山

西丹山在丹陽屬巴丹山西即巫山者也

按山海經在丹山西

以下皆屬經文然相其文義疑是景純之注水經注不誤也但据此景純下當有曰字方為得耳

又

帝女居焉宋玉所謂天帝之季女名曰瑤姬未行而亡封於巫山之臺精魂為草實為靈芝所謂巫山之女高唐之姬旦為行雲暮為行雨朝朝暮暮陽臺之下旦早視之果如其言故為立廟號朝雲焉其間首尾一百六十里謂之巫峽蓋因山為名也自三峽七

百里中兩岸連山畧無闕處重巖疊嶂隱蔽天日自
非亭午夜分不見曦月至于夏水襄陵沿沂阻絕王
命急宣有時朝發白帝暮到江陵其間千二百里雖
乘奔御風不以疾也春冬之時則素湍淪潭迴清倒
景絕巘多生檉栢懸泉瀑布飛漱其間清榮峻茂良
多趣味每至晴初霜旦林寒澗肅常有高猿長嘯屢
引淒異荆州記作屬引清遠空谷傳響哀轉久絕故漁者歌曰
巴東三峽巫峽長猿鳴三聲淚沾裳

荆州記巫峽首尾一百六十里

錢謙益箋杜詩云舊云自三峡取蜀數千里恒是一山此蓋好大之言也惟三峡七百里中兩岸連山畧無闕處梁簡文帝蜀道難詩峽山七百里巴水三回曲杜詩所謂峽開四千里蓋統論江山之大勢非專指言峽山也

江水又東逕石門灘

灘北岸有山山上合下開洞達東西緣江步路所由

劉備為陸遜所破是逕此門

一作走逕此門

追者甚急備乃

燒斷鎧道孫桓為遜前驅奮不顧命斬上夔道

吳志孫桓

傳作斬截其要境備踰山越險僅乃得免忿恚而歎

曰吾昔至京桓尚小兒而今迫孤乃至于此遂發憤而薨矣

又東過秭歸縣之南

縣故歸鄉地理志曰歸子國也樂緯曰昔歸典協聲

律宋志曰歸即夔歸鄉即夔鄉矣

按宋書州郡志歸鄉故屬秭歸吳分

按太康地志云秭歸有歸鄉故夔子國並無歸即夔夔鄉即歸鄉之文且諸字書亦無歸即夔之音不知

酈注何據而云然耶

古楚之嫡嗣有熊摯者以廢疾不得立而

居于夔為楚附庸後王命為夔子春秋僖公二十六

年楚以其不祀滅之者也袁崧曰屈原有賢姊聞原
放逐亦來歸喻令自寬全鄉人冀其見從因名曰秭
歸即離騷所謂女嬃嬋媛以詈余也縣東城北依山
即阪周迴二里高一丈五尺南臨大江古老相傳謂
之劉備城蓋備征吳所築也

在今
歸州

縣東北數十里有

屈原舊田宅雖畦堰靡漫猶保屈田之稱也

明一統
志屈原

宅在歸州北六十里今其地名樂平
宅其東北六十里有原姊女嬃廟

縣北一百六十

里有屈原故宅累石為屋基名其地曰樂平里宅之

東北六十里有女媧廟擣衣石猶存故宜都記曰秭
歸蓋楚子熊繹之始國而屈原之鄉里也原田宅于
今具存指謂此也

江水又東逕城北

其城憑嶺作固二百一十步夾谿臨谷據山枕江北

對丹陽城

今歸州治即秭歸故城丹陽城在州之東

城據山跨阜周八里

二百八十步東北兩面悉臨絕澗西帶亭下溪南枕

大江嶮峭壁立信天固也楚子楚

衍

熊繹丹陽之所

都也地理志以為吳子之丹陽

何氏云子字衍陽當作楊

論者云

尋吳楚悠隔縑縷荆山無容遠在吳境是為非也又

楚子先王陵墓在其間蓋為徵矣

江水又東南逕夔城南

在今歸州東二十里

跨據山阜周迴一里百一十八步西北皆枕深谷東帶鄉溪南側大江城內西北角有金城東北角有員土獄西南角有石井口徑五尺熊摯始治巫城後疾移此蓋夔徙也春秋左傳僖公二十六年楚令尹子

玉減夔者也服虔曰在巫之陽秭歸歸鄉矣

江水又東逕歸鄉縣故城北

今為荊州府巴東縣故城在歸州東南大江南岸

袁崧曰父老傳言原既流放忽然暫歸鄉人喜悅因

名曰歸鄉抑其山秀水清故出雋異地發流疾故其

性亦隘詩云維嶽降神生甫及申信與余謂袁崧此

言可謂因事而立證恐非名縣之本旨矣縣城南面

重嶺北背大江東帶鄉口溪

前作鄉溪此作鄉口溪非前漏口字則此多口

字溪源出縣東南數百里西北入縣逕狗峽西峽崖

龕中石隱起有狗形形狀具足故以狗名峽

明一統志白狗

峽在歸州東一十五里兩岸如削白石隱起狀如狗唐杜甫詩云白狗斜臨北黃牛更在東

鄉口

溪又西北逕縣下入江謂之鄉口也

江水又東逕信陵縣南

今歸州東有信陵廢縣

臨大江東傍深溪溪源北發梁州上庸縣界南流逕縣下而注於大江也

江水又東過夷陵縣南

江水自建平至東界峽盛弘之謂空舸峽峽甚高峻

即宜都建平二郡界也

在歸州東三十里一作空船
峽言夏秋水泛必空船乃可

上自歸州至長陽四百里內峽水崩流石磧險惡唐
杜甫詩云峽中丈夫絕輕死少在公門多在水富豪
有錢駕大舸貧窮取給行解子朝發白帝暮江陵
頃來目擊信有微瞿塘漫天虎鬚怒歸州長年行最
能

其間遠望嶺表有五六峯參差互出上有奇石如

二人像攘袂相對俗傳兩郡督郵爭界於此宜都督
郵厥勢小東傾議者以為不如也

江水歷峽東逕宜昌縣

今為宜都縣

之埤竈下

埤洽聞記作
埤按說文埤

丁果反堅土也與注中所言文義
似不相蒙當從洽聞記作埤為是

江之左岸絕岸壁立數百丈飛鳥所不能棲有一火

爐埵在巖間

朱本作火爐
埵在崖間

望見可長數尺父老傳言

昔洪水之時人薄舟崖側以餘燼埵之崖側至今猶

存故先後相承謂之埵竈也

洽聞記曰空艚峽絕壁上有一火燼長數尺名

曰埵竈相傳堯時洪水行者泊舟崖側炊爨以餘燼埵之至今猶存云云蓋亦據此注耳

江水又東逕流頭灘

在今夷陵州界

其水並浚急奔暴魚鱉所不能游行者常苦之其歌

曰灘頭白勃堅相持倏忽淪沒別無期袁崧曰自蜀

至此五千餘里下水五日上水百日也

江水又東逕宜昌縣北

今夷陵州西有宜昌故城

分夷道佷山所立也縣治江之南岸北枕大江與夷陵對界宜都記曰渡流頭灘十里便得宜昌縣也

江水又東逕狼尾灘而歷人灘

袁崧曰二灘相去二里人灘水至峻峭南岸有青石

夏沒冬出其石嶽峯

廣韻嶽去金切音欽峯魚金切音吟玉篇嶽峯山勢聳立貌說

文凡地高險者曰峯數十步中悉作人面形或大或小其分明

者鬚髮皆具因名曰人灘也

江水又東逕黃牛山

即黃牛峽在今夷陵州西九十里大江南

下有灘名曰黃牛灘南岸重嶺疊起最外高崖間有石如人負刀牽牛人黑牛黃成就分明既人跡所絕莫得究焉此巖既高加江湍紆迴雖途逕信宿猶望見此物故行者謠曰朝發黃牛暮宿黃牛言水路紆深迴望如一矣

江水又東逕西陵峽

在今夷陵州西北二十里

宜都記曰自黃牛灘東入西陵界至峽口一百許里
山水紆曲而兩岸高山重嶂非日中夜半不見日月
絕壁或千許丈其石彩色形容多所像類林木高茂
畧盡冬春猿鳴至清山谷傳響泠泠不絕所謂三峽
此其一也崧言嘗聞峽中水疾書記及口傳悉以臨
懼相戒曾無稱有山水之美也及余來踐躋此意疑當
作境既至欣然始信之耳聞不如親見矣其疊嶂秀峯
奇構異形固難以辭叙林木蕭森離離蔚蔚乃在霞

氣之表仰矚俯映彌習彌佳

原本漏從
朱本增

流連信宿不

覺忘返目所履歷未嘗有也既自欣得此奇觀山水
有靈亦當驚知已於千古矣

江水歷禹斷江

今夷陵州西
南有斷江山

南峽北有此

胡引及朱
本俱作北

谷村兩山間有水清深潭而

不流又耆舊傳言昔是大江及禹治水此江小不足

馮水禹更開今峽口水勢并衝此江遂絕於今謂之

斷江也

江水出峽東南流逕故城洲

今夷陵州治原
本謠城固州

洲附岸北洲頭曰郭洲長二里廣一里上有步闌故

城方圓稱洲周迴畧滿故城洲上城周

疑漏三
五等字

里吳

西陵督步騭之所築也孫皓鳳凰元年騭息闡復為

西陵督據此城降晉遣太傅羊祜接援未至為陸抗

所陷也

吳志步騭傳騭封西陵侯鳳凰元年召為統帳督闡累
繼業為西陵侯

世在西陵卒被徵命自以失職又懼有讒禍於是據
城降晉晉以闡為都督西陵將軍事加侍中假節命
車騎將軍羊祜往赴救闡吳遣陸

抗西行祜等遁退抗陷城斬闡

江水又東逕故城北

故城在今夷陵州東南大江南岸

所謂陸抗城也城即山為墉四面大險江南岸有山孤秀從江中仰望壁立峻絕袁崧為郡常登之矚望焉故其記云今自山南上至其嶺嶺容十許人四面望諸山畧盡其勢俯臨大江如縈帶焉視舟如鳬雁矣北對夷陵縣之故城城南臨大江秦令白起伐楚三戰而燒夷陵者也應劭曰夷山在西北蓋因山以名縣也王莽改曰居利吳黃武元年更名西陵也後

復為夷陵縣北三十里有石穴名白馬穿嘗有白馬

出穴食

朱云食下當有米麥等字乃成文理白帖引荆州記正同但云昔有馬從穴出復還入潛

行乃出

漢中人逐之入穴潛行出漢中漢中人失馬亦嘗

出此穴相去數千里袁崧言江北多連山登諸望江南諸山數十百重莫識其名高者千仞多奇形異勢自非烟褰雨霽不辨見此遠山矣余嘗往返十許過正可再見遠峯耳

江水又東逕白鹿巖

汾江有峻壁百餘丈，獐所不能遊。有一白鹿陵峭登崖，垂巖而上。故世名此岩為白鹿云。

江水又東，歷荆門、虎牙之間。

按夷陵新志云：虎牙在州東五十里，磯石大小蹲踞。

隱見正如虎牙戟列，舟人望而避之，乃由荆門而上。是虎牙更險於荆門也。明一統志：荆門山在宜都西北五十里，與虎牙山相對。在大江南岸，虎牙山在大江北岸。昔公孫述遣將依二山作浮橋，以拒漢師。下有虎牙灘，最險惡。今荆門州亦有荆門、虎牙二山。

荆門在南，上合下開，闔徹。山南有門，象虎牙在北。石

壁色紅，間有白文，類牙形，並以物象受名。此三

三疑當作

二 山楚之西塞

何氏云羅隱西塞山詩注云在武昌縣吳以之為西塞則西塞之名自吳

始也然隱所指在武昌界也水勢急峻故郭景純江
乃道士磯非荆門虎牙也

賦曰虎牙桀豎以屹峩荆門關

當作關

竦而磐礪圓淵

九迴以懸騰湓流雷响而電激者也

按郭景純江賦云荆門關竦而

盤薄圓淵九迴以懸騰湓流雷响而電激

漢建武十一年公孫述遣其大

司徒任滿翼江王田戎將兵數萬人據嶮為浮橋橫

江以絕水路營壘跨山以塞陸道光武遣吳漢岑彭

將六萬人擊荆門漢等率舟師攻之直衝浮橋因風

縱火遂斬滿等矣

後漢書岑彭傳建武九年公孫述遣其將任滿田戎程汎將數萬人

垂枋單下江關據荊門虎牙橫江水起浮橋門樓立橫柱絕水道結營山上以拒漢兵彭數攻之不利於是裝直進樓船冒突露橈數千艘十一年春彭與吳漢等發南陽武陵郡兵又發桂陽零陵長沙委輸棹卒凡六萬人皆會荊門彭乃令軍中募攻浮橋先登者上賞於是偏將軍魯奇應而前時天風狂急彭奇船逆流而上直衝浮橋而橫柱鈎不得去奇等乘勢殊死戰因飛炬焚之風怒火盛橋樓崩燒彭復悉軍順風並進所向無前蜀兵大亂死者數千人斬任滿生擒程汎而田戎亡保江州

又東南過夷道縣北夷水從佷山縣南東北注之

夷道今為

荊州府宜都縣其故城在縣西佷山故城在今長楊縣西

夷道縣漢武帝伐西南夷路由此出故曰夷道矣王

莽更名江湖

按漢志莽曰江南今云江湖誤

桓溫父名彝改曰西道

魏武臨江分南郡置臨江郡劉備曰宜都郡治在縣

東四百步故城吳丞相陸遜所築也

宋書州郡志宜都太守太康地

王隱地道何志並云吳分南郡立張勃吳錄云劉備立按吳志呂蒙平南郡據江陵陸遜別取宜都獲秭歸枝江夷道縣初權與備分荊州而南郡屬備則是備分南郡立宜都非吳立也習鑿齒云魏武平荊州分南郡枝江以西為臨江郡云云頗與此注合故備錄之云

為二江之會也北有

湖里淵淵上橘柚蔽野桑麻閭日西望佷山諸嶺重

峯疊秀青翠相臨時有丹霞白雲遊曳其上城東北

有望堂地特峻

地下疑有脫文恐當是勢字

下臨青

疑當作清

江遊矚

之名處也縣北有女觀山厥處高險回眺極目古老

傳言昔有思婦夫官于蜀屢愆愁期

一作歸期朱本云當作秋期引

毛詩秋以為期為言恐亦未當

登此山絕望

二字疑有謠誤

憂感而死山木

枯悴鞠為童枯鄉人哀之因名此山為女觀焉莖之

山頂今孤墳尚存矣又東過枝江縣南

今屬荊州府故城在縣東

沮水從北來注之

禹貢錐指曰此禹岷山導江東別為沱之所經也

以今輿地言之江水出四川松潘衛徼外岷山流

逕衛北

衛本禹貢梁州之域後為氐羌地漢置湔氐道屬蜀郡唐為嘉誠縣松州治明置松

潘衛屬四川都司在成都城西北七百六十里元和江源鎮在松州交川縣西北三十里

又東

南逕疊溪營西

營在茂州西北一百二十里本漢蜀郡蠡陵縣唐為翼州元和志大

江逕翼州城西又逕翼水縣西二百步按廢翼州在營西翼水廢縣在營南

又東南逕

茂州西

茂州在成都府西北四百十五里本漢汶江縣後周改曰汶山縣唐為茂州治元和

志汶江北自翼州流經汶山縣西二里

又西南經威州西玉輪江注

之威州在府西北四百五十里本漢廣柔縣唐為薛城縣維州治其故城在今州北高碭山上亦

曰姜維城州西北有滴又西南逕保縣西保縣在博嶺五輪江即汶水茂州西

南四十里本漢縣屬後周為汶川縣江源記岷江南入溢村逕石紐至汶川轉銀嶺合草坡河至

蠶崖入灌口括地志石紐又東南經灌縣西沱水山在汶川縣西七十三里

出焉灌縣在成都府西北一百五十二里唐為導江縣元和志大江西自茂州界流入逕青

城縣北二里寰宇記大皐江自灌口流逕青城縣北入溫江縣界青城廢縣在今灌縣西南玉壘山

在縣西北離堆在縣西南或曰即灌口山宋河渠志皐江支流迤迤北口都江口置大堰疏北流為三

東曰外應口溉導江新繁新都達於金堂東北曰三石洞口溉導江崇寧九隴濠陽達于漢之洛東

南曰馬騎口既導江崇寧郡溫江成都華陽灌縣
舊志大江經縣西三十三里分為二派其一東南
逕崇慶州至新津者今謂之南江其一東循灌城
者今謂之北江北江又分為三派其一東南經溫
江過府城南入新津合大江者為流江其一自縣
寶瓶口直東入五斗口東北逕郫新繁過府城北
折而南合流江者謂郫江其一自寶瓶口東北穿
三白洞又東北經新繁新都至漢州入雒者為湔
水叅考諸說大阜江即郫水實岷江之正流有元
和寰宇九域等書可証郫江即禹貢梁州之沱流
江乃李冰之所穿與郫江為二江者郫江號北江
唯東合湔雒又東南至江陽入江者為禹貢之江
沱餘皆後人所穿鑿或以郫江創自李冰
且指流江為岷江之正道豈不大悞也哉
江
水
又
東南逕溫江縣西崇慶州東
溫江在府西少南五
十里本漢郫江源二

縣地元和志大江俗謂之溫江南流經縣西一里

寰宇記鄰江一名阜里水自青城縣南流經溫江

縣入江源縣界成都新志云大阜江本岷江正流

自離堆鑿後乃以流江為正流而以此為南江崇

慶在府西南九十又東南經新津縣東北之新津

里本漢江源縣也又東南經眉州東武陽縣本漢

在崇慶州東南七十又東南經眉州東武陽縣本漢

里本漢武陽縣地又東南經眉州東武陽縣本漢

和志大江亦名導江在彭山縣東七里又逕通義

青神二縣東皆去縣三里今州北有武陽故城隋

改武陽曰通義唐為眉州治彭山故城在州又南

北青神故城在州南本朝康熙六年併入又南

經嘉定州東嘉定本漢南安縣地後周分置平羌

治寰宇記導江水在平羌縣西二十步又云大江

自平羌縣流入龍游縣界按平羌即今峨眉縣在

州西六十里又東南經犍為縣北犍為縣在州東南一百二十里亦漢南安

縣地寰宇記導江水在玉津縣西五里又在犍為縣東二十步按玉津縣唐屬嘉州其廢址在今縣

北又東南逕宜賓縣東北合馬湖江宜賓縣為今叙州府治本

漢犍道縣犍為郡治元和志汶江流經犍道縣東北去縣十步馬湖成在縣西二十一里按馬湖江

在縣南門外即若水下流亦曰瀘水自馬湖府東北流入至城西南一里為蠻津口又東合于大江

又東南逕南溪縣南南溪在府東南一百二十里本漢之犍道縣地又東

逕江安縣北江安縣在瀘州西南本漢江陽縣地又東逕納溪縣北

納溪在州西南四十里亦漢江陽縣地又東北經瀘州東南沱水合

渝雒諸水從西北來注之

瀘州本漢江陽縣今州治即其故城隋改縣曰

瀘川唐為瀘州治華陽國志江陽江中有大關小

關季春黃龍堆沒關即平元和志汶江水瀘川縣

南三十步寰宇記謂之瀘江按雒江在州北亦曰

渝水亦曰縣水互受通稱漢志云渝水出玉壘山

東南至江陽入江水經云雒水與縣水合

又與渝水合亦謂之耶江耶江即沱水也

灌縣西南首受大江東逕郫縣北

郫縣在成都府西四十五里漢

志蜀郡郫縣禹貢江沱在東入大江元和

志郫江一名成都江經郫縣北三十一里

經新繁縣南

新繁在府西北五十六里本漢繁縣括地志縣有繁江首受郫江即禹貢

江沱也元和志郫江在新繁縣南十一里

九域志新繁縣有都江即所謂成都江也

又東經

成都縣北

漢舊縣蜀郡治今為四川布政司成都府水經注成都直西門曰郫江北折左

對繁田括地志郫江一名成都江一名市橋江一名永平江亦名曰中江亦曰內江西北自新繁界

來

又東逕新都縣南

新都在府北五十里漢舊縣

又東逕金堂

縣南

金堂在府東北七十里本漢新都牛鞞二縣地郫江至縣東合湔水酈道元云湔水東絕

縣雖至五城界至廣都北岸南入于江謂之五城水口此洛水枝津自五城縣界西合湔郫又西至

成都城東南入流江也

又東南經簡州北

簡州在府東一百五十里本漢牛鞞

縣

又東南經資陽縣西

資陽在州東南六十里本漢資中縣地

又南

逕資縣西

資縣在府東三百里本漢資中縣

又南逕富順縣東

富順

在叙州府東北一百八十里本漢江陽縣地

又東南經瀘州北又東南

與江水會

鄴道元云縣水至江陽縣方山下入江謂之縣水口蓋自五城以下渝郫縣維

互受通稱縣水口即沱水口也

江水又東經合江縣北

合江在瀘州東一百

二十里本

又東北經江津縣北

江津在重慶府南一百八十里本漢

漢符縣

又東北經巴縣東南西漢羗白涪巴渝諸水

江州縣地

自北來注之

巴縣為重慶府治本漢江州縣後周改曰巴縣唐為渝州治按自渝上合

州者謂之內江庾仲雍所云涪內水是也自渝又戎瀘上蜀者謂之外江仲雍所云蜀外水是也

東北逕長壽縣南

長壽在府東三百三十里本隋巴縣地

又東經涪

州北涪陵江水自南來注之

涪州在府東四百五十里本漢枳縣隋改

置涪陵縣唐為涪州治大江在州北方與勝覽謂之蜀江自成都登舟十二程至此合黔江即涪陵

江也又東北逕鄧都縣南鄧都在忠州西二百里本漢枳縣地又東北

逕忠州南

忠州在府東一千五百里本漢臨江縣

又東北逕萬縣南

萬縣

在夔州府西四百五十里本漢朐忍縣地

又東北逕雲陽縣南

雲陽在府西一

百七十里本漢朐忍縣後周改曰雲安寰宇記蜀江在雲安縣南三十步

又東逕奉節

縣南夷水故道出焉

奉節夔州府治本漢魚復縣唐改曰奉節瞿塘峽在縣東

即古廣谿峽也寰宇記云灩澦堆周圍二十丈在夔州西南二百步蜀江中心瞿塘峽口冬水淺屹

然露百餘大夏水漲沒數十丈亦曰猶豫言舟子
取途不決水脈也范成大吳船錄云峽中兩岸高

巖峻壁斧鑿之痕歛歛然有黑石灘最
號險惡按夷水一名清江詳見荊州 又東逕巫

山縣南 巫山縣在府東一百三十里本漢巫縣巫
峽在縣東四十里吳船錄云自巫縣下巫

峽灘瀧稠險湍流狀其危又過于夔峽 又東逕巴
三十五里至神女廟廟前灘尤為洶怒

東縣北 巴東在湖廣歸州西九十里 又東逕歸州
本漢巫縣地梁為歸鄉縣

南 歸州在荊州府西五百 又東逕夷陵州南 夷陵
二十五里本漢秭歸縣 在荊

州府西少南二百 又東逕宜都縣北與夷水合 宜
里本漢夷陵縣 都

在州東南九十 夷水本首受奉節縣之大江今建
里本漢夷道縣

始縣北

建始在夔州府東南本漢巫縣地晉分置建始縣屬建平郡唐屬施州縣南至州一

百三十里夷水故道自巫山縣南流入縣界

其故道皆已墮塞惟南受

施州衛開蠻界水東逕巴東長陽

長陽在夷陵州西南八十里本

漢假山縣屬武陵郡隋更名長楊唐改楊為陽其故城即今治縣南七十里廢巴山縣即古捍關也

至宜都縣北又東入于江經所謂東別為沱者禹

所導一為梁州之沱今郢江是也一為荊州之沱

古夷水是也

附論江源華陽國志曰岷山一名沃焦山其跗曰羊膊江水所出李膺益

州記曰羊膊嶺水分二派一東南流為大江一西流為大渡河太平寰宇記曰羊膊山在平康縣山

下有二神湫大江始發之所范成大吳船錄曰江
源自西戎來由岷山澗壑中出而合於都江今所
云止自中國言耳陸游入蜀記曰嘗登岷山欲窮
江源而不可得蓋自蜀郡之西大山廣谷豁鈇起
伏西南走蠻箐中皆岷山也則江所從來遠矣王
應麟通鑑地理通釋曰大渡河一名羊山江源出
鐵豹嶺嶺即羊膊之異名也金履祥書注曰岷
山數百峯大雪山三峯闕其後冬夏如
爛銀一谷名鐵豹嶺者有西岳廟廟下名羊膊石
江水正源也其西南分一源又為大渡河矣胡渭
曰按諸家言岷山所在不一而足然山雖廣遠而
江水所出必有定處近世無能窮其源者隋經籍
志有尋江源記一卷今不傳未知其說云何據漢
志言江水出湔氐道西徼外則當以酈注所引益
州記為正自晉以下說江源者皆云出羊膊嶺與
益州記同羊膊嶺一名鐵豹嶺計益州記江水發

源自羊膊嶺東南下二百餘里至西陵又南下二百四十里至汶山故郡即今茂州是也然則江源在茂州之西北去州四百四十餘里亦可謂遠矣而范致能陸務觀乃云江源出西戎不可窮極蓋以唐人言江源自松州甘松嶺始而當時又有謂羊膊嶺在茂州列鶴村者其地太近故為是說非謂江源更在羊膊之外也近志引江源記云岷山發源于臨洮木塔山山頂分東西流南流八百里經甘松嶺又南逕漳臘堡西其水漸大復經鐮刀灣達松潘下水關臨洮今陝西洮州衛也在松潘之東北江源果發此則又自東北而來與氐道西徼外之岷山相去懸絕為此說者蓋因隋志云岷山在臨洮郡臨洮縣括地志云岷山在岷州溢樂縣見有一水自木塔山來入江者遂以為發源彼中明與漢志相背無稽之言不可從也又錢氏徐霞客傳曰霞客名弘祖江陰人平生好遠遊其行

也從一奴或一僧一杖二襪被不治裝不裹糧能
忍饑數日能遇食即飽能徒步數百里凌絕壁冒
叢箐扳援上下懸渡綆汲捷如飛猿健如黃犢嘗
過麗江憩點蒼由雞足而西出玉闕數千里至崑
崙山窮星宿海去中夏三萬四千三百里登半山
風吹衣欲墮又數千里至西番還至我眉山下託
估客以溯江紀源一篇寄余言禹貢岷山導江乃
汎濫中國之始非發源也中國入河之水為省五
入江之水為省十一計其吐納江倍于河按其發
源河自崑崙之北江亦自崑崙之南非江源短而
河源長也又辯三龍大勢北龍夾河之北南龍抱
江之南中龍中界之特短北龍抵南向半支入中
國惟南龍磅礴半宇內其脈亦發于崑崙與金沙
江相並南下環滇池以達五嶺龍長則源脈亦長
江之所以大于河也其書數萬言皆桑經鄭注及
漢宋諸儒疏解禹貢所未及余撮其大略如此胡

渭曰古書言崑崙者非一處一在槐江山南一在
西海之外山海經所言是也一在于閩漢武所名
之山是也一在吐蕃劉元鼎所稱紫山者是也霞
客云河出崑崙之北江出崑崙之南其所謂崑崙
者在何地乎據彼言出玉門關數千里至崑崙則
崑崙當在西域玉門以東即是中夏之地既云出
玉門數千里何又云去中夏四萬三千餘里即所
謂星宿海有若是之遠亦屬妄言昔劉元鼎奉使
至廓州洪濟梁南行二千三百里便得崑崙東去
長安止五千里而都實使還自星宿海東北至崑
崙亦不過三十日程何至如霞客所言之遠且西
域之崑崙與星宿海絕無交涉萬李野云朵甘思
去雲南麗江西北止一千五百里去四川馬湖正
西亦止三千里苟欲窮星宿海既至雞足山便當
由麗江而往不半月即可達其地舍此不由而更
遠走玉門關何也玉門東距肅州之嘉峪關約九

百里嘉峪南至麗江約五千里朵甘思去玉門則六七千里矣不走千五百里之近而走六七千里之遠必非人情意者以漢武所名之崑崙即都實所指之崑崙乎夫漢之崑崙在于闐元之崑崙在吐蕃相距可四五百里而霞客乃渾而一之其不學無識一至此乎余謂霞客所言東西南北茫然無辨恐未必身歷其地徒恃其善走大言以欺人耳非但不學無識也錢氏以為能補桑經鄭注及漢宋諸儒疏解禹貢所未及過矣或曰僧宗泐云黃河出西番抹必力赤巴山東北流為河源西南流為犛牛河犛牛河即麗水一名金沙江者自麗江府界東北流合若水為瀘水又東北注叙州府而注于江霞客謂江源自崑崙之南殆謂此耳然抹必力赤巴非崑崙也且岷山導江經有明文其可以麗水為正源乎霞客不足道傳者一代鉅公文采炫耀最易動人故吾特為之辨

江水又東逕上明城北

上明城今在松滋縣界

晉太元中苻堅之寇荊州也刺史桓沖徙渡江南使劉波築之移州治城也其地夷敞北據太江江沱枝分東入大江縣治洲上故以枝江為稱地理志曰江沱出西南東入江是也

按漢志蜀郡郫縣下云禹貢江沱在西東入江此云出西

南南字當屬行文

其民古羅徙羅故居宜城西山楚文王又徙之于長沙今羅縣是矣縣西三里有津鄉津鄉里名也春秋莊公十九年巴人伐楚楚子禦之大敗于

津鄉應劭曰南郡江陵有津鄉今則無聞矣

江陵今屬荊州

津鄉即其縣地

郭仲產云尋楚禦巴人枝江是其塗便此津

鄉弘即其地也

朱云津鄉弘吳瑄改作津鄉縣弘字固誤然改作縣亦恐無據或當作似

即其地也

盛弘之曰縣舊治沮中後移出百里洲

百里洲在今枝

江縣東北六十里

西去郡一百六十里縣左右有數十洲槃

布州中

胡氏引作其中一作江中朱本作洲中

其百里洲最為大也中

桑田甘果映江依洲自縣西至上明東及江津其中

有九十九洲楚諺云洲下石故不出王者

此句有誤疑或作洲

滿百王者出

桓元有問鼎之志乃漕一洲以充百數潛號

數旬宗滅身屠及其傾敗洲亦消毀今上在西忽有

一洲自生沙流迴薄成不淹時其後未幾龍飛江漢

矣

朱云此今上是盛弘之荊州記中語謂宋文帝自鎮西將軍宜都王入繼武帝於江陵隋志云盛弘

之是宋臨川王侍郎撰荊州記三卷

縣東二里有縣人劉凝之故宅凝

之字志安兄盛公高尚不仕凝之慕老萊嚴子陵之

為人立屋江湖非力不食妻梁州刺史郭全女

宋書本傳

作郭銓女

亦能安貧宋元嘉中夫妻隱于衡山終焉不返

矣縣東北十里土臺北岸有迤洲長十餘里義熙初

武陵王斬桓謙處

宋書武帝紀桓元既敗挾天子走江陵冠軍將軍劉毅等親率諸軍

進討高祖奉武陵王遵為大將軍承制大赦天下惟桓氏不在赦例及元誅後元從子振聚黨數千人襲

陷江陵城桓謙亦聚眾以應義熙元年劉毅等至江津破桓謙桓振江陵平

縣東南二十

里富城洲上有道士范儕精廬自言巴東人少遊荆

土而多盤桓縣界惡衣麤食蕭散自得言來事多驗

而辭不可詳人心欲見剡然而對貌言尋求終弗遇

也雖逕跨諸洲而舟人未嘗見其濟涉也後東遊廣

陵卒於彼土儕本

疑作
作在

洲無定止處宿憇一小菴而

已弟子慕之於其昔遊其立精舍以存其人縣有陳

留王子香廟頌

疑謠或
屬衍文

子香於漢和帝之時出為荆

州刺史有惠政天子徵之道卒枝江亭中常有三白

虎出入人間送喪踰境百姓追美甘棠以永元十八

年立廟設祠刻石銘德號曰枝江白虎王君其子孫

世令

世下疑有脫
文今當是今

猶謂之白虎王

江水又東會沮口

楚昭所謂江漢沮漳楚之望也

又南過江陵縣南

縣江有洲號曰枚迴洲

枚迴洲在江陵縣西南六十里寰宇記引荊州圖曰百里

洲其上寬廣土沃人豐洲首派別南為外江北為內江

江水自此兩分而為南

北江也北江有故鄉洲元興之末桓元西奔毛祐之與參軍費恬射元於此洲元子昇年六歲輒拔去之王昭之云元之初奔也經日不得食左右進麤粥咽不下昇抱元胸撫之元悲不自勝至此益州都護馮

遷斬元於此洲斬昇於江陵矣

宋書武帝紀桓元西走征虜將軍益州刺

史毛璩遣從孫祐之與參軍費恬送弟喪璩弟子修之時為元屯騎校尉誘元入蜀至枚回洲恬與祐之迎射之益州都護馮遷斬元首下有龍洲洲東有龍傳京師又斬元子昇於江陵市

洲二洲之間世擅多魚矣漁者投罟歷

宋本作揮

網往往

繼絕

宋本作維絕

有潛客泳而視之見水下有兩石牛嘗

為罾害矣故漁者莫不擊浪浮舟鼓枻而去矣其下

謂之郛里洲洲有高沙湖湖東北有小水通江名曰

曾口

江水又東逕燕尾洲

此合靈溪水水無泉源上承散水合成大溪南流注江江水之會有靈溪戍背阿面江西帶靈溪故戍得其名矣

江水東得馬牧口

江水斷洲通會

江水又東逕江陵縣故城南

江陵故城即今荆府治江水自牧迴洲分流至此復

合勢

益大

禹貢荊及衡陽惟荊州蓋即荊山之稱而制州名矣
故楚也子革曰我先君僻處荊山以供王事遂遷紀
郢今城楚船官地也春秋之渚宮矣秦昭襄王二十
九年使白起拔鄢郢以漢南地而置南郡焉周書曰
南國名也南氏有二臣力鈞勢敵競進爭權君弗能
制南氏用分為二南國也

朱云出周
書史記解

按韓嬰叙詩云

其地在南郡南陽之間呂氏春秋所謂禹自塗山南
省南土者也是郡取名焉景帝以為臨江王榮國王

坐侵廟垣地為宮被徵升車出北門而軸折父老竊流涕曰吾王不還矣自後北門不開蓋由榮非理終

也漢景帝二年改為江陵縣王莽更名南順縣曰江

陵

按漢志莽改郡曰南順縣曰江陵今更下漏郡字陸譌作陵

舊城關羽所築羽

北圍曹仁呂蒙襲而據之羽曰此城吾所築不可攻也乃引而退杜元凱之攻江陵也城上人以瓠繫狗頸示之元凱病瘳故也及城陷殺城中老小血流沾足論者以此薄之江陵城地東南傾故緣以金隄自

靈溪始桓溫令陳遵造遵善於防攻

朱云防攻當作方功謂以方土

計功也使人打鼓遠聽之知地勢高下依傍創築畧無

差矣城西有栖霞樓俯臨通隍吐納江流城南有馬
牧城西側馬徑此洲始自枚回下迄於此長七十餘
里洲上有奉城故江津長所治舊主度州郡貢於洛
陽因謂之奉城亦謂之江津戍也戍南對馬頭岸昔
陸抗屯此與羊祐相對大弘信義談者以為華元子
反復見於今矣北對大岸謂之江津口故洲亦取名

馬江大自此始也家語曰江水至江津非方舟避風不可涉也故郭景純云濟江津以起漲言其深廣也

江水又東逕郢城南

郢漢志曰楚別邑今為鄖陽府鄖西縣故城在今江陵縣東北三里

子囊遺言所築城也地理志曰楚別邑故郢矣王莽以為郢亭城中有趙臺卿冢岐平生自所營也冢圖賓主之容用存情好叙其宿尚矣

江水又東得豫章口

夏水所通也西北有豫章岡蓋因岡而得名矣或言

因楚王豫章臺名所未詳也

水經注集釋訂訛卷三十四

欽定四庫全書

水經注集釋訂訛卷三十五

歸安沈炳巽撰

江水三

又東至華容縣西

漢之華容今之荊州府監利縣其故城在縣界今之岳州府華容縣本孫

吳孱陵縣不可因其名同而遂混為一也

夏水出焉

漢志南郡華容縣夏水首江東入沔行五百里

江水左迤為中夏水右則中郎浦出焉江浦右迤南

派曲

上下疑有諺字脫文

而極水曲之地勢世謂之江曲者也

又東南當華容縣南湧

疑同下
作涌

水出焉

江水又東涌水注之

今在監
利縣南

水自夏水南通於江謂之涌口春秋所謂閭敖游涌而逸於二水之間者也

江水又逕南平郡孱陵縣

漢縣同上俱為
荊州公安縣

之樂鄉城北

城在松

滋縣東

吳陸抗所築後王濬攻之獲吳水軍督陸景於此渚也

又東南油水從東南來注之又東右合油水

又東逕公安縣北

今公安東北五十五里有公安故城本孱陵地漢末劉備為左公居此號

公安今屬

荊州府

劉備之奔江陵使築而鎮之曹公聞孫權以荊州借

備臨書落筆杜預尅定江南罷華容置之謂之江安

縣南郡治矣以華容之南鄉為南郡晉太康元年改

曰南平也縣有油水水東有景口口即武陵郡界景

口東有淪口淪水南與景水合又南通澧水及諸陂

湖北

疑作也

是淵也

疑作北

相接悉是南蠻府屯也故側

江有大城相承云倉諸城即邸閣也

江水左會高口

江浦也對黃州

江水又東得故市口

水與高水通也

江水又右逕楊歧北山

胡氏作山北

山抗

宋本作枕

大江山東有城故華容縣尉舊治也

大江又東左合子夏口

江水左迤北出通於夏水故曰子夏也

當作子夏口

大江又東左得侯臺水口

江浦也

大江右得龍穴水口

江浦右迤也北對虎洲又洲北有龍巢地名也昔禹南濟江黃龍夾舟舟人五色無主禹笑曰吾受命於天竭力養民生死命也何憂龍哉於是二龍弭鱗掉

尾而去焉故水地取名矣

江水自龍巢而東俞口

夏水泛盛則有冬無之江水北岸上有小城故監縣尉治也

又東得清揚土塢二口

江浦也

大江右逕石首山北又東逕赭要

石首山在今石首縣西北

赭要洲名在大江中次北湖洲下

江水左得飯筐上口

秋夏水通下口間相距三十餘里緒要下即楊子洲

在大江中二洲之間常苦蛟害者

宋本作昔

荆飲飛濟此

遇兩蛟斬之自後罕有所患矣

呂氏春秋云荆有次飛者懷寶劍涉江至

於中流有兩蛟夾統其船次飛攘臂拔劍赴江刺蛟殺之而復上船舟中之人皆得活荆王聞之仕之執

珪

江之右岸則溝

宋本作清

水口口上即錢官也水自牛

皮山東北通江北對清水洲洲下接生江洲南即生

江口水南通澧浦江水右會飯筐上口江浦所入也

江水又右得上檀浦

江澦也

江水又東逕竹畦南

宋本作竹町

江中有觀詳澦

疑有諺脫

澦東有大洲洲東分為爵洲洲

南對湘江口也

又東至長沙下雋縣北

今武昌府通城崇陽二縣地

澧水沅水資水

合東流注之

凡此諸水皆注於洞庭之陂是乃湘水非江川也

下雋

故城在今武昌府通城縣西巴陵亦下雋也洞庭湖在其西南湘水篇云湘水東北流逕長沙下雋縣西會資沅微澧四水同注洞庭而北會大江名之五渚巴邱山在湘水右岸有巴陵故城西對長洲南歷湘浦北對大江三水所會謂之三江口也

湘水從南來注之

按北夢瑣言湘江北流至岳陽連蜀江夏潦後蜀江漲遏住湘浦溢為洞

庭湖凡數百里而君山宛在水中秋水過此山復居於陸唯一條湘川而已

江水右會湘水所謂江水會者也

禹貢錐指云以今輿地言之江水自宜都縣北合

夷水又東逕枝江縣北

枝江在荊州府西一百七十里百里洲在縣東北六

十里嘉靖初為江水衝斷又東逕松滋縣北松滋今為上百里洲下百里洲

西南一百二十里本漢高縣地又東逕江陵縣南江陵荆州府治隄防考云大江

流入郡境自西而北而東而南勢多紆折南北兩岸俱平行下隄水易漫流故有決溢之害濱江諸

縣皆築隄以為岸衛自松滋至巴陵之城陵磯長亘六百餘里北岸有陽州茅埠隄長亘七百餘里

咫尺不堅又東逕公安縣北公安在府東南一百二十里本漢孱陵縣

有涔陽鎮在公安故城東南又東逕石首縣北石首在府東南一百八十里本

漢華陽縣地又東逕監利縣西華容縣北監利在府東南二百里本

楚容邑漢置華容縣三國吳析置監利縣其故城在今縣東北章華臺在縣西北六十里夏水篇云

夏水東經華容縣南又東逕監利縣南韋昭曰雲夢在華容縣郭景純言東南巴丘湖是也今岳州府亦有華容縣在府西少北一百五十五里本漢縣陵縣地晉分置南安縣隋更名華容非古華容

也

又東至巴陵縣西北會洞庭之水

巴陵岳州府治本漢下雋

縣地荆江口在縣西北洞庭水入江處亦名西江口又名三江口元和志巴陵城對三江口岷江為西江澧江為中江湘江為南江按三江口北岸有楊林浦一名楊葉洲蓋即水經注所謂巴陵故城西對長洲者此後世大江之經流酈道元所稱北江者

也禹之所導則異於是袁中道澧遊記曰酈道元

注水經於江陵枚迴洲下有南北江之名南江即

江水由澧入洞庭道也陵谷變遷今之大江始獨
專其澎湃而南江之跡稍稍湮滅僅為衣帶細流
然江水會澧故道猶可考云今按小脩此義最為
精覈

江水又東左得二夏浦

夏浦俗謂之西江口又東逕忌置山南山東即隱口

浦矣江之右岸有城陵山

今巴陵縣北有忌置洲宋書檀道濟等討謝晦至忌

置洲列船過江即此其東有城陵磯東北接臨湘縣界磯下為三湘浦元和志云在巴陵縣東北十二里

黃潤玉云今江水衝城陵磯而臨江驛至岳陽湖口
六十里皆淤沙漲起南環湖北沿江塞隘九江之口
其章華臺之
水亦淤窄矣
山有故城東接微落山亦曰暉落磯江

之南畔名黃金瀨瀨東有黃金浦良父口夏浦也

又東逕彭城口

水東有彭城磯故水受其名即玉潤

宋本作潤

水出巴邱

縣東玉山玉溪北流注於江

江水自彭城磯東逕如山北

北對隱磯二磯之間大江之中有獨石孤立大江中

山東江浦世謂之白馬口

彭城嶠在臨湘縣西江中
元和志云在巴陵縣東北

九十四里即今臨湘縣也縣東北
十里有白馬磯山又有隱磯

江水又左逕白螺山南

右歷鴨蘭磯北江中也東得鴨蘭治浦二口夏浦也

江水左逕上

疑作

烏林南

村居地名也又東逕烏黎口江浦也即中烏林矣又

東逕烏林南吳黃蓋敗魏武於烏林即是處也

江水又東左得子練口

北通練浦又東合練口江浦也南直練洲練名所以
生也江之右岸得蒲磯口即陸口也水出下雋縣西
三山溪其水東逕陸城北又東逕下雋縣南故長沙
舊縣王莽之閨雋也宋元嘉十六年割隸巴陵郡陸
水又屈而西北流又逕其縣北北對金城吳將陸渙
所屯也陸水又入蒲圻縣北逕呂蒙城西在今嘉魚縣石頭口
昔孫權征長沙零陵所鎮也陸水又逕蒲磯山北入
大江謂之刀環口

蒲磯山在今蒲圻縣南五十里圻與磯通元和志云赤壁山在蒲圻

縣西一百二十里北臨大江蓋其時未有嘉魚又東也今蒲圻臨江之地盡入嘉魚而蒲圻無江水

逕蒲磯山北對蒲圻洲亦曰擎洲又曰南洲洲頭即

蒲圻縣治也晉太康元年置洲上有白面洲洲南又

有潆口水出豫章又縣又縣當作艾縣屬豫章郡今為南昌府寧縣東入

蒲圻縣至沙陽西北魚嶽山入江山在大江中楊子

洲南孤峙中洲疑有謠字或作孤峙江中

江水左得中陽水口又東得白沙口

一名沙屯即麻屯口也本名蔑默口江浦矣南直蒲

圻洲水北八百餘里吳所屯也又逕魚嶽山北下得

金梁洲洲東北對淵淵

宋本一作洲

一名淵步洲江漬從洲

頭以上悉壁立無岸歷專政

疑有謠字政宋本作岐

至白沙方

有浦上甚難江中有沙陽洲

晉置今為武昌府嘉魚縣

沙陽縣治

也縣本江夏之沙羨矣晉太康中改曰沙陽縣宋元

嘉十六年割隸巴陵郡江之右岸有雍口亦謂之流

疑謠口東北流之

疑謠

長洋港東北流逕石子岡岡上有

故城即州陵縣之故城也莊辛所言左州侯國矣又

東逕州陵新治南王莽之江夏也港水東南流注於江謂之洋口南對龍穴洲沙陽洲之下尾也洲裏有駕部口宋景平二年迎文帝於江陵法駕頓此因以爲名文帝車駕發江陵至此黑龍躍出負帝所乘舟左右失色上謂長史王曇首曰乃夏禹所以受天命矣我何德以堪之故有龍穴之名焉

江水東右得聶口

江浦也左對聶州

江水左逕百人山南

百人山在漢陽縣西南八十里

右逕赤壁山北昔周瑜與黃蓋詐魏武大軍所起也

吳志周瑜傳曹公軍次江北瑜等在南岸瑜部將黃蓋曰今寇衆我寡難以持久然觀操軍方連船艦首尾相接可燒而走也乃取蒙衝鬪艦數十艘寔以薪草膏油灌其中裏以帷幕上建牙旗先書報曹公欺以欲降又豫備走舸各繫大船後因引次俱前曹公軍吏士皆延頸觀望指言蓋降蓋放諸船同時發火時風盛猛悉沿燒岸山營落頃之煙炎漲天人馬燒溺死者甚衆軍遂敗還保南郡江表傳曰至戰日蓋先取輕利艦十舫載燥荻枯柴積其中灌以魚膏赤幔覆之建旌旗龍幡於艦上時東南風急因以十艦最著前中江舉航去北軍二里餘同時發火火烈風猛燒盡北船延及岸邊營柴北軍大壞曹公退走

江水東逕大軍山南

大軍山在漢陽縣西南六十里

山東有山屯夏浦江水左迤也江中有石浮出謂之

節度石石則

疑作側

塗水注之出江州武昌郡武昌縣

泰山西北流逕汝南僑郡故城南咸和中寇難南逼

戶口南渡因置斯郡治於塗口塗水歷縣西又西北

流注於江

江水又東逕小軍山南

小軍山在漢陽縣西南五十里

臨側江津東有小軍浦

江水又東逕雞翅山北

山東即土城浦也

又東北至江夏沙羨縣西北

江夏本漢沙羨縣地今為武昌府治

沔水從

北來注之

沌水上承陽縣之白湖東南流為沌水逕陽縣南注

於江謂之沌口有陽都尉治晉永嘉六年王敦以陶

侃為荊州鎮此

晉書陶侃傳周顗為荊州刺史方入境為賊所破王敦表侃為使持節寧

遠將軍南蠻校尉荊州刺史鎮於沌口

明年徙林鄣

江水又東逕歎父山南對歎洲

亦曰炭步矣江之右岸當鸚鵡洲南有江水右逕謂之驛渚三月以末水下通樊口水

江水又東逕魯山南

魯山即大別在漢陽府城東北半里

右

疑作古

翼際山也地說曰漢與江合於衡北翼際山

傍者也山上有吳江夏太守陸渙所治城蓋取二水之名地理志曰夏水過郡入江夏也舊治安陸漢高帝六年置吳乃徙此城中有晉征南將軍荊州刺史

胡奮碑又有平南將軍王世將刻石記征杜曾事有
劉琦墓及廟也山左即沔水口矣沔左有却月城然
亦曰偃月壘戴監軍築故曲陵縣也後乃沙羨縣治
也昔魏將黃祖所守遣董襲陸統攻而禽之欄衡亦
遇害於此衡恃才倜儻肆狂狷於無妄之世保身不
足遇非其死可謂咎悔之深矣江之右岸有船官浦
歷黃鵠磯西而南矣直鸚鵡洲之下尾江水澹曰
諺字項云狀浦是曰黃軍浦昔吳將黃蓋軍師所屯
當作回

故浦得其名亦商舟之所會矣船官浦東即黃鵠山

黃鵠山在漢陽府城內西

隅聳峙江口與大別對

林間甚美譙郡戴仲若野

服居之山下謂之黃鵠岸岸下有灣目之為鵠灣鵠

山東北對夏口城魏黃初二年孫權所築也

夏口故城在今

江夏縣西南

依山傍江開勢明遠憑墉藉阻高觀枕流上

則遊因

一作目

流川下則激浪崎嶇實舟人之所艱也

對岸則入沔津故城以夏口為名亦沙羨縣治矣

江水左得湖水通大湖又東合澚口水

此下皆疑屬注或疑自上

水通大湖
一句起

上承沔水於安陸縣

今為湖廣漢陽府

而東逕灞陽

縣北

今為漢陽縣

東南注於江江水又東湖水自北南注謂

之嘉吳江右岸頻得二夏浦北對東城洲西浦側有雍

伏戍江之左岸東會龍驤水口出北山蠻中江之有

宋本

作右武口水上通安陸之延頭

宋元嘉二年衛將軍荊州刺史謝晦阻兵上流為征

北檀道濟所敗走奔於此為戍主光順之所執處也

宋書謝晦傳初晦與徐羨之傅亮謀為自全之計晦鎮荊州而檀道濟鎮廣陵各有強兵以制持朝廷羨

之與亮于中秉權可得持久及羨之等既誅太祖詔
道濟西討晦聞羨之等死謂道濟必不獨全及聞率
衆來上惶懼無計道濟既至與到彥之軍合西人離
阻無復鬥心臺軍至忌置洲尾削艦過江晦大軍一
時潰散晦夜乘小船還江陵衆散畧盡乃攜其弟遜
兄子世基等七騎北走至安陸延頭為戍主光順之
執所南至武城俱入大江南直武洲洲南對楊桂水口

江水南出也通金女大文桃班三治吳舊地

宋本作屯所

在荊州界盡此

江水東逕若城南

庾仲雍江

下當有水字

記曰若城至武城口三十里者也

南對郭口夏浦而不常泛矣東得苦菜夏浦浦東有
苦菜夏江逕其北故浦有苦菜之名焉山上有菜苦
可食江水左得廣武口江浦也江之右岸有李姥浦

浦中偏無蚊蚋之患矣北對崢嶸洲冠軍將軍劉毅

破桓元於此洲元乃挾天子西走江陵矣

晉書劉毅傳桓元既

西走劉裕以毅為冠軍將軍青州刺史與何無忌劉
道規躡玄玄逼帝及瑯琊王西上毅等追及戰於崢

嶸洲乘風縱火盡銳爭先
玄衆大潰燒輜重夜走

又東過邾縣南

今為湖廣
黃州府

江水東逕白虎巖北山臨側江濱又東會赤溪夏浦
二口江水右迤也又東逕具一作巖北庾仲雍謂之
沛岸矣江右岸有秋口江浦也又東得烏石水出烏
石山南流注於江

江水右得黎巖

亦曰黎岸也山東有夏浦又東逕上磧北山名也仲
雍謂之大小竹磧也北岸烽火洲即舉洲也北對舉
口仲雍作莒字得其音而忘其事非也舉水出龜頭

山西北流逕龍戍南梁定州治蠻田超秀為刺史舉

水又西流左合垂山之水水北出垂山之陽與弋陽

弋疑作弋漢志汝南有弋陽縣

潁水同發一山故是水合之水之東

有南口戍又南逕方山戍西西流注於舉水又西南

逕梁司豫二州東蠻曰

疑作田

魯生為刺史治湖陂城

亦謂之金城也舉水又西南逕顏城南又西南逕齊

安郡

今黃州府

西倒水注之出黃武山南流逕白沙戍西

又東南逕梁達城戍西東南合舉水舉水又南東歷

赤亭下又謂之赤亭水又分為二水南流注於江謂之

舉洲

胡氏作口

南對舉洲春秋左傳定公四年吳楚陣于

伯舉京相璠曰漢東地矣夏有汭水或作舉疑即此也左水東南流入於江許曰文方口江之右岸有鳳鳴口江浦也浦側有鳳鳴戍

江水又東逕邾縣故城南

在今黃州府城西北一百二十里漢邾縣今為黃岡黃

地 陂縣

楚宣王滅邾徙居於此故曰邾也漢高帝三年項羽

封吳芮為衡山王都此

按史記項羽分封是漢元年今云三年誤

晉咸和

中庾翼為西陽太守分江夏立四年豫州刺史毛寶

西陽太守樊俊共鎮之為石虎將張格度所陷自爾

丘墟焉城南對蘆洲

在今武昌縣西二十里一名伍洲

舊吳時客舍

於洲上方便謂所止焉

上下疑有謬脫

亦謂羅州矣

鄂縣北

鄂縣上當有江水又東逕字

江水

二字疑衍

右得樊口

鄂縣即今武昌縣樊

口在縣西北五里

樊山在縣西一里

庾仲雍江水記云谷里袁口江津南入歷樊山上下

三百里通新興馬頭二治樊口之北有灣昔孫權裝
大船名之曰長安亦曰大舶載坐直之士三千人與
羣臣泛舟江津屬值風起權欲西取蘆州谷不從利
乃拔刀急上令取樊口薄舶船至岸而敗

按江表傳曰權於武

昌新裝大船名為長安試泛之釣臺沔時風大盛谷
利令拖工取樊口權曰當張頭取羅州利拔刀向拖
工曰不取樊口者斬工即轉拖入樊口風遂猛不可
行乃還據此蘆當是羅谷不從利當是谷利不從急
上當是故名其處為敗舶灣因鑿樊山為路以上人
急止

即名其處為吳造峴在樊口上一里今厥處尚存

江水又左逕赤鼻山南

在黃州府城西
北漢川門外

山臨側江川

又東逕西陽郡南郡治即西陽縣也

晉書地道記以為弦子國也

江之右岸有鄂縣故城

舊樊楚也世本稱熊渠封其中子之名某者為鄂王

史記楚史家熊渠立其長子康為句亶
王中子紅為鄂王少子勢疵為越章王 晉太康地記

以為東鄂矣九州記曰鄂今武昌也孫權以魏黃初

元年中自公安徙此改曰武昌縣鄂縣徙治於袁山
東又以其年立為江夏郡分建業之民千家以益之
至黃龍元年權遷都建業以陸遜輔太子鎮武昌孫
皓亦都之皓還東令滕牧守之晉惠帝永平中始置
江州傅綜為刺史治此城後太尉庾亮之所鎮也今
武昌郡治城南有袁山即樊山也武昌記曰樊口南
有大姥廟孫權常獵於山下依希見一姥問權獵何
所得曰正得一豹母曰何不豎豹尾忽然不見

太平
廣記

引武昌記曰孫權獵於武昌樊山下見一老母問權
何獲曰只得一豹母曰何不豎其尾忽然不見權稱
尊號立廟
於山下
應劭漢官序曰豹尾過後執金吾罷屯解

圍天子鹵簿中後屬車施豹尾於道路豹尾之內為

省中

後漢書輿服志乘輿大駕寢後一車懸豹尾豹尾以前比省中注引漢官儀曰豹尾過後罷去

解圍胡廣曰施於道路豹尾之內為省中故須過後屯圍乃得解皆所以戒不虞也蓋權事應

在此故為立廟也又孫皓亦嘗登之使將害常侍王

蕃而其首虎

上下疑有諺字

以爭之

案江表傳云孫皓於殿上斬王蕃出登萊山使

親近將藩首作虎跳狼爭咋齧之

北背大江江上有釣臺權帝極飲

其上曰墮臺醉乃已張昭盡言處

吳志孫權於武昌臨釣臺飲酒大醉

使人以水洒羣臣曰今日酣飲惟醉墮臺中乃止耳張昭正色不言出外車中坐權呼還問何為怒對曰昔紂為糟邱池長夜之飲當時亦不以爲惡也權默然慙遂以罷酒城西有郊壇權告

天即位於此顧謂公卿曰魯子敬嘗言此可謂明於事勢矣城東故城言漢將灌嬰所築也江中有節度

石三段廣百步高五六丈是西陽武昌界分江於斯

石也又得東五丈

上下疑有謫脫

又得次浦江浦也東逕五

磯北有五山沿次江陰故得是名矣仲雍謂之五圻

江水左則巴水注之

水出雩婁縣之下靈山即大別也

雩婁漢屬廬江郡

與決水

同出一山故世謂之分水山亦或曰巴山南歷蠻中
吳時舊立屯於水側引巴水以溉野又南逕巴水戍
南流注於江謂之巴口

又東逕較

當作軼下同漢置屬江夏郡今在九江黃州之間胡云即今黃州府蘄水縣也

縣故

城南

故弦國也春秋僖公五年秋楚滅弦弦子奔黃者也

杜預注曰弦國在漢惠帝元年封長沙相利倉為侯

弋陽軟縣東南

國

按漢表作軟侯黎朱蒼

城在山之陽南對五洲也江中有五

洲相接故以五洲為名宋孝武帝舉兵江州達牙洲

上有紫雲蔭之即是洲也

東會希水口

希水在今蘄水縣南

出蘄縣

今江南安慶府潛山縣

霍山西麓

山北有潛縣故城

地理志曰縣南有天柱山即霍山也有祠南嶽廟音

潛

二字當注在潛字下恐非正文

齊立霍州治此西南流分為二水

枝津出焉希水又南積而為湖謂之希湖湖水又南
流逕軹縣東而南流注於江是曰希水口者也然水
流急濬霖雨暴疾漂濫無常行者難之

大江右岸有厭里口安樂浦

從此至武昌尚方作部諸屯相接枕帶長江又東得
桑步步下有章浦本南陽郡治今悉荒蕪

江水左得赤水浦

夏浦也

江水又東逕南陽山南

又曰苟

宋本作苟

磯亦曰南陽磯仲雍謂之南陽圻一名

洛至圻一名石姥水勢迅急

江水又東逕西陵縣故城南

今黃州府治故城在蘄州西

史記秦昭王遣白起伐楚取西陵者也漢章帝建初

二年封陰堂

按後漢書當作陰棠

為侯國

江水東歷孟家澗

一作澗

江之右岸有黃石山水逕其北

即黃石磯也一名石茨圻有

疑作在

西陵縣也北縣

疑作

縣北則三洲也山連逕江側東山偏高謂之西塞東對

黃公九磯所謂九圻者也

黃石磯在武昌府大冶縣東北三十里西塞在縣東

九十里元和志云在武昌縣東八十五里蓋與大冶分山也

於行小難

上下疑有謠字

兩

山之間為闕塞也從此濟於土復土復者北岸地名也

又東過蘄春縣南蘄水從北東

疑作來

注之

今黃州府蘄水縣

江水右得常

宋本作韋

口江浦也浦東有葦山江水東逕

山北北崖有東湖口江波左迤流結成湖故謂之湖

口矣江水又東得空石口江浦在右臨江有空石山
南對石穴洲洲上有蘄陽縣治也又東蘄水注之江
水又東逕蘄春縣故城南世祖建武三十年封陳俊
子浮為侯國也江水又東得銅零口江浦也大江右
逕蝦蟆山北而東會海口水南通大湖北達於江水
左右翼山江水逕其北東合臧口江浦矣江水又左
逕長風山南得長風口江浦也江水又東逕積布山
南俗謂之積布巖又曰積布圻庾仲雍所謂高山也

此即西陽

一作南陽

尋陽二郡界也

蕪春縣即今蕪州水出江夏蕪春縣北山

南過其縣西又南至蕪口南入於江

右岸有土復口江浦也夾浦有江

山山東口有護

上下疑有錯文

江浦也庾仲雍謂之朝二浦

也

何氏云疑有誤

又東過下雉縣北

今武昌府興國州東有下雉故城

刊水從東陵西南

注之

江水東逕琵琶山南山下有琵琶灣也又東逕望夫

山南又東得苦菜水口夏浦也江之右岸富水注之

水出陽新縣之青湓山西北流逕陽縣故豫章之屬
矣地多女鳥元中記曰新陽男子於水次得之遂與
共居生二女悉衣羽而去豫章問養兒不露其衣言
是鳥落塵於兒衣中則令兒病故亦謂之飛夜遊女

矣

搜神記豫章新喻縣男子見田中有六七女皆衣
毛衣往得一女所解之衣藏之此女不得去男子

取以為婦生三女後於積稻下得其毛衣遂飛去本
草引玄中記云姑獲鳥毛衣為飛鳥脫毛為女又云
是產婦死後化作一名隱飛

一名夜行遊女鬼神類也

又西北逕下雒縣王莽

更名之潤兗

按漢志
當作光

矣後併新陽水之左右公私裂

溉成沃壤舊吳屯所在也江水口

疑

右東得蘭溪

水口並江浦也

又東左得青林口

即水出廬江郡之東陵鄉江夏有西陵縣故是言東矣尚書云江水過九江至於東陵者也西南流水積

為湖湖西有青林山宋太始元年明帝遣沈攸之西

伐子勣

當作勣宋書晉安王子勣謀反

伐柵青山覩一童子甚麗問

伐者曰取此何為答欲討賊童子曰下旬當平何勞

伐此在衆人之中忽不復見故謂之青林湖湖有鯽
魚食之肥美辟寒暑湖水西流謂之青林水又西南
歷尋陽分為二水一水東流通大雷一水西南流注
於江經所為刊水也右對馬頭岸自富口迄此五十
餘里岸阻江山

行水金鑑云水經注江水自下崑以東所紀山水
地名或瑣細難考沔水自石城以東尤多舛錯道
元亦自謂未必一得其實今據府州縣志以為之

綱而掇取水經注及羣書要語附載於其下江水

自巴陵縣西北會洞庭湖又東逕其縣北又東逕

臨湘縣北

臨湘在湖廣岳州府東北七十五里
晉以後為巴陵縣宋析置臨湘縣

又

東逕嘉魚縣西北與沔陽州分水

嘉魚在武昌府西南二百五十

里漢沙羨縣地隋為蒲圻縣地南唐分置嘉魚縣
沔陽在安陸府南少東三百三十里本漢州陵縣

又東北逕江夏縣西漢陽縣東又北漢水自北來

注之

江夏為湖廣武昌府治本漢沙羨縣地漢陽
為漢陽府治本春秋之夏汭亦漢沙羨縣地

也

又北折而東逕武昌縣北其對岸則黃陂縣黃

岡縣

武昌在武昌府東北一百八十里本漢鄂縣黃陂在黃州府西二百四十里本漢邾縣地

黃岡為府治本漢西陽邾西陵三縣今縣西北有邾縣故城

又東逕大冶縣北

蘄水縣南

大冶在興國州西北一百五十里本漢鄂下雉二縣地蘄水在黃州府東少南

一百十里

又東逕興國縣北蘄州南

興國在武昌府東南三百

本漢軹縣

六十里本漢下雉縣兼鄂縣地蘄州在黃州府東少南一百八十里本漢蘄春縣

又東逕

瑞昌縣北廣濟縣南

瑞昌在江西九江府西九十里本漢柴桑縣地廣濟在湖

廣蘄州東七十里本漢蘄春尋陽二縣地大江去縣七十里

又東逕德化縣北

黃梅縣南

德化九江府治晉永興初於此置尋陽郡隋因改柴桑曰尋陽而江北之名遂

移於江南黃梅在蘄州東一百六十里本漢尋陽縣其故城在今縣東北元和志大江在黃梅縣南一百里

彭蠡澤在德化縣東南九十里其水北注於

江北導江東迤北會於滙之所經也


今洞庭遇江漲其水亦為

江波所遏而經獨於彭蠡言滙澤者蓋禹時巴陵未有洲渚九江即是江身與彭蠡異故不言滙澤也

吳幼清移前東滙澤為彭蠡六字於此東迤北會於滙之上其說曰鄂北對漢陽軍大別山漢水自北來入江江水與之會合流曰滙故曰東迤北會

于滙不言會于漢者以漢有漾沔滄浪之異名不可指定一名而言故但曰會于滙也金吉甫則直以滙為誤字其說曰當作會于漢蓋江勢迤北處正受漢口若至彭蠡則東流久矣滙字必因上文而誤也今按江漢合流入揚州之域會彭蠡水始有三江之目若以滙指漢水則北江中江不待過彭蠡而始有其名矣禹貢于荊州言江漢無中江北江之名于揚州始言三江蓋必會南江而後可

命之曰北曰中也周禮荊州曰其川江漢揚州曰其川三江與禹貢若合符節滙非漢口明矣自宋以來說此經者遇難解處不以為衍文則以為錯簡不以為錯簡則以為誤字真禹貢之一厄也



水經注集釋訂訛卷三十五